

**KONFERENCA E TRETE RAJONALE PER KONTROLLIN E BRENDSHËM FINANCIAR  
PUBLIK**

**4-6 QERSHOR 2013**

**Fjala hyrëse**

Të nderuar miq nga Komisioni Europian, OECD-SIGMA dhe vendet kandidate dhe potenciale kandidate, i nderuari Ministër i Financave dhe i nderuari Ministër i Punëve të BE-së të Turqisë, drejtues të Njësisë së Zhvillimit Strategjik dhe drejtorë të Auditimit të Brendshëm të administratave tona publike si edhe pjesëmarrës nga ministria jonë,

Mirëseerdhët.

- Dëshiroj të shpreh kënaqësinë që kemi, si Ministri e Financave, për bashkëorganizimin e Konferencës së Tretë Rajonale për Kontrollin e Brendshëm Financiar Publik (KBFP) në Ankara, së bashku me OECD-SIGMA.
- Që prej tetorit të vitit 2012 kemi punuar në bashkëpunim të ngushtë me OECD-SIGMA për përgatitjet për këtë konferencë. Po ashtu, janë organizuar edhe dy takime përgatitore të Grupit të Punës që përbëhet nga përfaqësues të Shqipërisë, Kroacisë, OECD-SIGMA dhe ministrisë sonë.
- Siç e dini, Konferenca e Parë Rajonale për KBFP u mbajt në 27-29 tetor 2010 në Zagreb, Kroaci. Konferenca trajtoi tre shtyllat e KBFP-së, – Menaxhimi Financiar dhe Kontrolli (MFK), Auditimi i Brendshëm dhe Njësia Qendrore e Harmonizimit (NjQH) – dhe bëri të mundur të mësohej nga përvoja e Bullgarisë, Hungarisë, Rumanisë dhe Sllovenisë rreth krijimit dhe zbatimit të KBFP-së.
- Konferenca e Dytë Rajonale për KBFP-në u mbajt në 21-23 shtator 2011 në Portoroz, Slloveni. Në këtë konferencë u shkëmbyen përvojat e vendeve në lidhje me progresin e bërë në fushën e KBFP-së, veçanërisht të vendeve pjesëmarrëse.
- Konferenca e Tretë Rajonale, që po hapim sot, synon të tërheqë vëmendjen tek shtylla e MFK-së së KBFP-së dhe të paraqesë shembuj të praktikave të mira. Në këtë kontekst do të kemi mundësinë të shohim më nga afër rastet nga Shqipëria, Maqedonia dhe Turqia për të krahasuar praktikat kombëtare dhe për të diskutuar çështjet specifike. Kjo do të na ndihmojë të krijojmë një platformë për shkëmbimin e përvojave në fushën e vështirë të MFK-së. Për shkak të mungesës së legjislacionit të shkruar të BE-së për KBFP-në, bëhet edhe më i rëndësishëm krijimi i platformave të tillë që lejojnë shkëmbimin e ideve mbi praktikat e vendeve dhe kërkojnë zgjidhje për problemet e përbashkëta.
- Ekzistenza e një sistemi efektiv të MFK-së sigurisht është e rëndësishme për të pasur një sistem të KBFP-së që funksionon mirë. Në këtë kuadër, prezantimet që do të mbahen dhe diskutimet që do të bëhen gjatë kësaj konference për prezantimin, zhvillimin dhe zbatimin e MFK-së do të kontribuojnë pozitivisht për përmirësimin e mëtejshëm të sistemit.

- Në vendin tonë, sistemi i KBFP-së u fut me Ligjin 5018 për Menaxhimin Financiar Publik dhe Kontrollin (PFMC Law). Dispozitat e Ligjit, që u miratua në 2003, u bënë plotësish të zbatueshme në fillim të vitit 2006 dhe në atë kohë hynë në fuqi edhe aktet nënligjore dhe rregulloret të nevojshme për zbatimin e ligjit.
- Përveç këtyre rregullimeve ligjore, janë krijuar edhe strukturat e nevojshme administrative, janë caktuar ekspertët dhe audituesit e brendshëm dhe janë organizuar programe të gjera trajnimi për aktorët e sistemit për të garantuar funksionimin efektiv të KBFP-së.
- Po zhvillohet një proces për të bërë amendime në Ligjin e PFMC për të kapërcyer sfidat në zbatimin e tij, vështirësi që janë identifikuar si rezultat i monitorimit të zbatimit gjashtë vjeçar të rregulloreve dhe për të futur rekomandimet e administratave publike. Qëllimi i këtij ushtrimi është të vlerësojë sistemin sipas standardeve ndërkombëtare dhe praktikave më të mira në BE dhe të bëjë të qartë kuadrin konceptual si edhe kompetencat dhe përgjegjësitë themelore.
- Përveç amendimeve në ligjin në fjalë, është përgatitur edhe një draft i Dokumentit të Politikave, në nivel teknik, për sistemin e KBFP-së, i cili, sipas Raportit të Progresit të BE-së është shumë i përparuar dhe është në përputhje me *acquis* për të vlerësuar progresin e bërë, identifikuar drejtimet që duhet të përmirësohen më tej, përgatitur një plan veprimi për aktivitetet që duhet të kryhen dhe për të plotësuar kriterin përbillës të KBFP-së që është elementi kyç i negocitatave për Kapitullin 32 mbi Kontrollin Financiar.
- Drafti në fjalë i Dokumentit të Politikave analizon pikat e forta dhe të dobëta të sistemit të KBFP-së dhe përcakton veprimet për të zhvilluar më tej sistemin. Në sistem janë parashikuar ndryshime, veçanërisht për të forcuar shtyllën e MFK-së.
- Ndryshimet e parashikuara në këtë drejtim përfshijnë qartësimin e mëtejshëm të roleve dhe përgjegjësive të aktorëve në lidhje me kontrollin e brendshëm, harmonizimin e përkufizimit dhe funksionimit të kontrollit financiar *ex-ante* me praktikat e BE-së, renditjen e detyrave, kompetencave dhe përgjegjësive të NjQH/MFK tek ligji i PFMC dhe identifikimin e qartë të përgjegjësisë menaxheriale.
- Ne besojmë se kjo konferencë, kaq e rëndësishme sepse u jep vendeve kandidate dhe potenciale kandidate mundësinë të shkëmbejnë informacione dhe përvoja për MFK-në, do të ndihmojë më shumë për të zhvilluar sistemin e KBFP-së duke i shtuar vlerë praktikave në këtë fushë si edhe në vende të tjera, në kuadër të Kapitullit 32 për Kontrollin Financiar të procesit të negociatave me BE-në.
- Dëshiroj të shfrytëzoj këtë mundësi për të falenderuar zyrtarët e OECD-SIGMA dhe të Komisionit Europian si edhe Departamentin e Bashkimit Europian dhe Punëve të Jashtme dhe Drejtoren e Përgjithshme të Buxhetit dhe Kontrollit Fiskal në Ministrinë tonë. Ju uroj një konferencë të frutshme.